

21. æek korrika

2019ko apirilaren 4tik 14ra GARESTIK GASTEIZA



Garestik Gasteiza A2

Apirilean, KORRIKA etorriko da berriro Euskal Herrira, eta egun batzuetan milaka korrikalari ikusiko ditugu gure *errepideetan*¹. 21. KORRIKA Garesen hasiko da, apirilaren 4an, eta, 14an, Gasteizen amaituko da. Bidean, beti bezala, korrikalariak Euskal Herriko herri askotan ibiliko dira.

02 | 21. KORRIKA



GARES

Gares Nafarroa Garaiko udalerrri bat da. Iruñeko hegoaldean² dago, Nafarroako hiriburutik 24 kilometrora. Herria Donejakue bidean³ dago, eta, bertan⁴, Somporteko eta Orreagako bideak elkartzen dira. Baina laster, datorren apirilean, bestelako peregrinazioa hasiko da Garesen: KORRIKA, euskararen aldeko lasterketa erraldoia⁵.

Bardeatik Pirinioetara

Nafarroa Garaian, hainbat paisaia-mota dago: hegoaldean, Bardeako **bas-**

mortua⁶; iparraldean, Iratiko basoa eta Pirinioetako mendi zuriak. 21. KORRIKA leku horietan ibiliko da, lehenengo egunetan: Gareatik Lizarraldera joango da, gero San Adrianera, eta handik Erriberara, Bardea ondora. Gero, Tafallaldetik eta Zangozaldetik pasatu, eta Pirinioetara igoko da, Zaraitzu eta Aezkoa **haranetara**⁷.

Apirilaren 6an, Irati ibaiaren ondotik, Aoizera joango da, eta handik Iruñera. Gaueko bederatziak arte egongo da KORRIKA Nafarroa Garaiko hiriburuan, eta bertatik Pirinioetarantz abiatuko da berriro. Nafarroa Beherean sartu aurretik, Ibañeta **mendatea**⁸ igo beharko dute korrikalariak. Hura izango da, 1.053 metrora, 21. KORRIKAren lekuri altuena.

Iparraldean lasterrez⁹

KORRIKA goizaldeko hiruretan helduko da Donibane Garazira. Ondoren, Oskitze mendatetik, Zuberoan sartuko da, eta, **egunsentian**¹⁰, Maulen egongo da, Zuberoko hiriburuan, hain zuzen. Egun horretan, korrikalariak Iparralde osoa **zeharkatuko**¹¹ dute, eta, arratsaldeko seietan, Baionara helduko dira. Laster, Angelun, Kantauri itsasoa ikusiko dute, eta handik Irunera joango dira.

7tik 8rako gauean, Hegoaldean ibiliko da KORRIKA: hasieran, Irunen eta Hondarribian; gero, Nafarroako Bortziritan; azkenean, goizaldeko seietan, Iparraldean sartuko da berriro, Lizarri- eta mendatetik. Sara, Ezpeleta eta Ainhoa herriak bisitatuko ditu, eta, Dantxarinetik, Nafarroa Garaia **itzu-liko**¹² da, Baztanera, zehazki.

Mahastien¹³ artean

Apirilaren 9an, korrikalariak Ultzama, Basaburua eta Larrauneko basoetan ibiliko dira. Handik, Sakanara joango dira, eta, Aralar eta Urbasa **mendilerro-****en**¹⁴ artetik, Arabarantz abiatuko dira.

10ean, goizaldean, KORRIKA Lautadan sartuko da, handik Errioxara joango da, eta mahastien artean ibiliko da, gaua iritsi arte. Ondoren, Urizaharra mendatetik, Trebiñura joango da, gero Añanara, eta handik Gorbeialdera. Barrerilla mendatea jaitsi, eta korrikalariak Urduñan izango dira, Bizkaiko hiriburu zaharrean.

APIRILAK 4

GARES 17:00
Lizarra 19:25
Lodosa 23:26

APIRILAK 8

Irun 00:45
Elizondo 13:22
Lekunberri 19:23

APIRILAK 5

Tutera 08:35
Tafalla 17:05
Zangoza 22:30

APIRILAK 9

Altsasu 04:45
Agurain 07:53
Bastida 19:15

APIRILAK 6

Jaurrieta 05:50
Iruñea 14:47
Orreaga 23:45

APIRILAK 10

Laudio 08:17
Galdakao 12:12
Algorta 21:39

APIRILAK 12

Lekeitio 01:32
Zarautz 13:00
Donostia 16:28

APIRILAK 7

D. Garazi 02:47
Maule 07:10
Baiona 18:05

APIRILAK 11


Barakaldo 00:31
Bilbo 11:46
Gernika 20:11

APIRILAK 13

Hernani 01:24
Tolosa 04:15
Durango 18:55

APIRILAK 14

Otxandio 01:00
Arrasate 03:52
GASTEIZ 12:30



Itsasoari begira

Urduñatik pasatu eta gero Aiaraldetik Bizkaira itzuliko da KORRIKA. Egun horretan, Hego Uribe, Txorierri eta Uribe Kosta bisitatuko ditu, eta handik, Bizkaiko Zubi ospetsua zeharkatu ondoren, Ezkerraldera joango da. 10etik 11rako gauean, Meatzaldean eta Enkarterrin ibiliko da. Eguerdian, korrikalariak Bilbora heldu eta auzoz auzo ibiliko dira, arratsaldera arte. Orduan, hiriburutik ateratakoan, Busturialdera eta Lea-Artibairantz abiatuko dira.

12an, Gipuzkoan sartuko da lasterketa. Debabarrena, Eibarraldea, Urola, Urola Kosta eta Lasarte zeharkatu ondoren, Donostira heldu eta bertan ibiliko da, gauera arte. Donostiatic Oarsoaldera joangoa da, eta, Pasaian, traineruz gurutzatuko du **itsasadarr**¹⁵. Bertan, agur esango diote korrikalariak itsasoari.

Gasteizerantz

13ko goizaldean, Hernanialdean ibiliko da KORRIKA. Amaitzeko 36 ordu falta-ko dira, baina Gasteizera heldu aurretik, **eskualde**¹⁶ batzuk bisitatuko ditu: Gipuzkoan, Tolosaldea, Goierri, Urola Garaia, Debagoiena eta Eibarraldea; Bizkaian, Durangaldea eta Arratia. Azkenean, Otxandion, korrikalariak Bizkaia utziko dute, Anboto mendiaren



ondotik Debagoienara joango dira, eta handik Gasteizerantz abiatuko dira.

KORRIKAren APPa

Laster, AEK-k APP bat jarriko du martxan. Aplikazio horretan, KORRIKAren mapa ikusi ahal izango dugu, eta informazio interesgarri batzuk lortu ahal izango ditugu: KORRIKA edozein unetan non dagoen, gure herrira heltzeko zenbat denbora falta den, KORRIKA kulturalaren agenda...

Informazio horiez gain¹⁷, lehiaketa bat ere proposatuko da agendan. Lehiaketan, KORRIKari buruzko galderak egongo dira.

GASTEIZ

KORRIKA 8:30ean sartuko da Gasteizen, eta, goiz osoan, kalez kale ibiliko da. 12:30ean, milaka eta milaka euskaltzale bilduko dira Andre Maria Zuriaren plazan. Plaza horretan, KORRIKAren mezu sekretua irakurri ondoren, lasterketa amaitu eta azken eguneko jai handia hasiko da.



DEKLINATU HITZAK, ETA ESAN ESALDIAK EGIA ALA GEZURRA DIREN.

EGIA GEZURRA

- | | | |
|--------------------------|--------------------------|---|
| <input type="checkbox"/> | <input type="checkbox"/> | 1. KORRIKA apiril___ 6an helduko da Donibane Garazira. |
| <input type="checkbox"/> | <input type="checkbox"/> | 2. Bardea___ hegoaldera joango da KORRIKA, Tafallaldera. |
| <input type="checkbox"/> | <input type="checkbox"/> | 3. Nafarroa Beherera joateko, korrikalari___ Ibañeta mendatea igoko dute. |
| <input type="checkbox"/> | <input type="checkbox"/> | 4. KORRIKA, azken egunean, Durangaldea eta Arratia eskualde___ ibiliko da. |
| <input type="checkbox"/> | <input type="checkbox"/> | 5. Gernika___ heldu aurretik, Bilbo___ pasatuko da KORRIKA. |
| <input type="checkbox"/> | <input type="checkbox"/> | 6. Iparraldean, Sara, Ainhoa eta Baztan herri___ bisitatuko ditu KORRIKA___. |
| <input type="checkbox"/> | <input type="checkbox"/> | 7. Trebiñutik apirilaren 10___ igaroko da KORRIKA. |
| <input type="checkbox"/> | <input type="checkbox"/> | 8. Zangozan ibili ondoren, Aezkoa eta Zaraitzu eskualde___ joango da KORRIKA. |

1. **Errepide:** carretera; *route*

2. **Hegoalde:** sur; *sud*

3. **Donejakue bidea:** camino de Santiago; *chemin de Saint Jaques*

4. **Bertan:** aquí, ahí, allí (mismo); *là-même, ici-même*

5. **Erraldoi:** gigante; *geant, -e*

6. **Basamortu:** desierto; *désert*

7. **Haran:** valle; *vallée*

8. **Mendate:** puerto; *col*

9. **Lasterrez: korrika,** Iparraldean.

10. **Egunsenti:** amanecer; *aube*

11. **Zeharkatu:** atravesar; *traverser*

12. **Itzuli:** volver; *retourner*

13. **Mahasti:** viñedo; *vigne*

14. **Mendilerro:** cordillera; *cordillère*

15. **Itsasadar:** ría; *ria*

16. **Eskualde:** región; *région*

17. **-(e)z gain:** además de; *en plus de*

Hiztegia

04 Denbora-pasak

LEKU EZKUTUA

ZEIN DA LEKU HAU?

- KORRIKA BAT BERTAN HASI ZEN.
- DONEJAKUE BIDEA HERRI HONETATIK PASATZEN DA.
- TURISTA ASKO JOATEN DIRA HERRI HONETARA.



LAU BAIETZ

ZENBAT DAKIZU KORRIKARI BURUZ? IKUSTAGUN! BILA ITZAZU AUKERA ZUZENAK:

1

20 edizioetan, KORRIKA...

- A. ... herri txikietan hasi da, eta hiriburuetan amaitu da.
- B. ... herri txikietan hasi da, eta hiriburuetan edo herri txikietan amaitu da.
- C. ... herrietan edo hiriburuetan hasi da, eta hiriburuetan amaitu da.

2

20 edizioetan, KORRIKAk...

- A. ... beti zeharkatu ditu Euskal Herriko lurralde guztiak.
- B. ... Euskal Herritik kanpo ere egin izan ditu zenbait kilometro.
- C. ... beti ez ditu egin 2.000 kilometro baino gehiago.
- D. Aurreko guztiak zuzenak dira.

3

20 edizioetan, KORRIKA...

- A. ... sei aldiz abiatu da Ipar Euskal Herritik.
- B. ... hiru aldiz abiatu da Arabatik.
- C. ... bi aldiz abiatu da Bizkaitik.
- D. Aurreko guztiak zuzenak dira.

4

20 edizioetan, KORRIKA...

- A. ...7 aldiz amaitu da Bilbon.
- B. ...4 aldiz hasi da Iruñean, eta 4 aldiz amaitu da bertan.
- C. ...2 aldiz hasi da Gasteizen, eta 2 aldiz amaitu da bertan.
- D. ...Aurreko guztiak zuzenak dira.

ARIKETEN ETA DENBORA-PASEN ERANTZUNAK:
[http://www.korrika.eus/euskaltegi-
etarako-unitate-didaktikoak.html](http://www.korrika.eus/euskaltegi-
etarako-unitate-didaktikoak.html)

